



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Nihil noui si haeretici surgunt

urn:nbn:de:hbz:466:1-35433

ri. Sed hoc miserrimum est, nos simplices ita circumferri, ut ignoremus, quid tandem factō sit opus. Cata**p**apistae uos, uos catabaptistas errare dicitis, utrique sua ornant & uera esse dicunt. Meo iudicio quicquid miseriārum est & turbarum, à sacerdotibus oritur. Nec puto turbulentiora unquam fuisse tempora. Satius fortasse fuerit, ut affectui meo indulgens, nemini quicquam crediderim, res meas pro libito agens.

IOIADA. Haudquaquam ita facies mi Simon,
sed ex te ipso iam disce, quid à catabaptistis boni ue-
nit, quidque ab eis suxeris. Nam palam profers iam fru-
ctum, nempe desperationem & sese niti. An excidit
tibi quod Deus in Deuteronomio docet: Non facietis Deut. 12. *vt*
singuli quod sibi bonum uidetur, sed quod dominus
præcipit. Sic perplexi isti homines cæteros secum im-
pediunt & præcipites agunt. Sed uos in culpa estis,
authores uestri mali, nam placent uobis huiusmodi im-
postores. Mox ut contentiosus aliquis, aut noui aliquid
ac insolentis caput exerit, adcurritis omnes caterua-
tim, neque promouent apud uos monitiones, non preces
non increpationes. Quum in profundū malorum uen-
tum est, sacerdotibus culpā impingitis, qui uos sum-
ma cum fide præmonent, quorum monita, imò dei uer-
ba per ipsos prolata si audiretis, tranquillis uobis ui-
uere liceret. Quandoquidem ergo uestra culpa ultro
uos in has angustias conieciſtis, non est ut culpam hanc

LIBER I. ET

fidiis pastoribus, qui uos ut hæc caueretis præmonuerunt, qui uos ad pacem ad charitatem & cōcordiam adhortati sunt, sed uobisipsis adscribatis. SIMON.

Dixi, quod ad huc sentio, turbulentiora nunquam fuisse tempora, quicunq; tandem sint authores.

*Vide quid nra,
Caro ag. nra
viro mouet*

IOIADA. Vm scire quid sit? Hoc turbas mouet, quod uos temere in omnibus compitis unumquenq; è plebe ministrum uerbi Dei facitis, idq; sine delectu.

Ad hæc prodis te historiarum omnino inscium, & rerum inexpertum, qui uix unius ætatis aut sœculi gesta noris, nec ultra quam quod præsens est spectes. Si legisses sacra Euangelia, apostolorum actus, grauioræ nimirun reperiisses dissidia, quæ ex Christi & apostolorum sermonib. nata sunt. Porro omnes historiæ plenæ sunt dissidiorum quæ præteritis sœculis ex Martionis, Valentini, Arrij, Nestrij, Euthicis, Donati, Pelagij, reliquorumq; hereticorum dogmatis falsis subnata sunt. Ibi fuerunt magni motus, & non solum urbium aut ciuitatum, sed regnum etiam defectiones: quæ tantæ fuerunt, ut nostra cum illis ne conferenda quidem sunt. An non Christus ipse & apostoli futuri temporibus sectas exorituras prædixerunt? Non quidē in hoc, ut propter has turbaremur aut animum abiiceremus penitus, sed ut hoc diligentius contra hujusmodi pestes uigilaremus, non solum ad cauendum, sed ad resistendum quoq;. Diserte pronunciat Paulus